

Тазкия дарслари (220-дарс) Содиқликнинг кўринишлари



ТАЗКИЯ
220-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Тасаввуф ҳақида тасаввур», «Рухий тарбия» 1-2-3-жузи ва «Хислатли ҳикматлар шарҳи» 1-2-3-4-5-жузи китоблари асосида бериб борилади. Мавзуларнинг тўлиқ матни билан танишиш учун китобнинг ўзига мурожаат этиш тавсия этилади.

19:00 / 04.03.2023 1480

Имом Ғаззолий содиқликнинг олти маъноси ҳақида батафсил сўз юритганлар:

1. Тилдаги содиқлик.

Бу маъно фақат хабарларга ва хабарни ўз ичига олган маъноларга боғлиқ бўлади. Хабар ўтган ёки келаси замонга боғлиқ бўлади. Бунга ваъдага вафо қилиш ҳам киради.

Ҳар бир бандага сўзини муҳофаза қилиш ва ростдан бошқани гапирмаслик лозим бўлади. Бу содиқликнинг энг машҳур туридир.

2. Ният ва иродадаги содиқлик.

Бу борадаги содиқлик ихлосга муҳтож бўлади. Бунинг барча ҳаракат ва саканотлар ёлғиз Аллоҳ таолонинг Ўзигагина бўлишидан бошқа боиси йўқ. Агар унга озгина бўлса ҳам бошқа нарса аралашадиган бўлса, ниятнинг содиқлиги бузилади ва унинг эгаси ёлғончига айланади.

3. Азму қарордаги содиқлик.

Кўпинча инсон амалдан олдин азму қарор қилади. Мисол учун: «Агар Аллоҳ таоло менга мол берса, мадраса қураман», дейди. Худди мана шу азму

қарор гоҳида жазм ила содиқ бўлса, гоҳида истак ва орзудан нарига ўтмаган бўлиши мумкин. Шунинг учун азму қарори ҳеч қандай майлсиз, иккиланишсиз ва заифликсиз тугал қувватга эга бўлган киши содиқ дейилади.

4. Азмга вафо қилишдаги содиқлик.

Гоҳида нафс қарор қилиниши билан азмни амалга оширишга киришади. Гоҳида эса шаҳватлар ғолиб келиб, азму қарорга амал қилиш қийинлашиб қолади. Аҳдига вафо қилганларгина содиқлар бўла олади.

Аллоҳ таоло Аҳзоб сурасида шундай деб марҳамат қилади:

مَنْ فَمِنَهُمْ عَلَيْهِ اللَّهُ عَهْدًا وَمَا يَنْظُرُ مَنْ وَمِنْهُمْ نَجَبَةٌ قَضَىٰ

تَبَدِيلًا بَدَلُوا وَمَا يَنْظُرُ مَنْ وَمِنْهُمْ نَجَبَةٌ قَضَىٰ ﴿٢٣﴾

«Мўминлардан Аллоҳга берган ваъдаларига содиқ қолган кишилар бордир. Бас, улардан назрига вафо қилгани бор. Улардан мунтазир бўлиб турганлари бор. Улар бирор нарсани алмаштирмадилар» (23-оят).

Яъни мўминлар ичида Аллоҳ таолонинг йўлида жонини фидо қилишга аҳду паймон берган, азму қарор қилган кишилар бор. Улар содиқлардир, улар мунофиқ ва иймони заифлар каби қўрқоқлик қилмайдилар.

يَمَعُ سَنَأ لَاقِ : لَاقِ تَبَاثُ نَع
رُضُّن لَأُنْبُ سَنَأ : مُشَاهَ لَاقِ
يَبُّن لَأَعَمُ دَهَشَي مَلِ هِبُ تَي مُس
رُذَبُ مَوِي مَلَسَوِ هَيَلَعُ هَل لَأِ يَلَص
لَوَأِ ي ف : لَاقِ وَ هَيَلَعُ قَشَف : لَاقِ
يَلَصِ هَل لَأِ لُوسَرُ هِدَهَشِ دَهَشَم
هُنَعُ تَبِغُ مَلَسَوِ هَيَلَعُ هَل لَأِ
أَمِ ي ف أَدَهَشَمُ هَل لَأِ ي نَارَأُ نِيَل
هُ هَل لَأِ يَلَصِ هَل لَأِ لُوسَرَعَمُ دُعَب
أَمُ هَل لَأِ نَيَرِيَل مَلَسَوِ هَيَلَعُ
لُوسَرَعَمُ دِهَشَف : لَاقِ ، غُنُصَأُ
مَلَسَوِ هَيَلَعُ هَل لَأِ يَلَصِ هَل لَأِ
دُعَس لَبُقَتُ سَأ ف : لَاقِ ، دُحَأُ مَوِي
أِ ي : سَنَأُ هَل لَاقِ ف : لَاقِ ذَاعُمُ نُب
هَنَجُ لَأِ حِي رَلِ أِهَأُ ؟ نِيَأُ ، وَرَمَعُ أَبَأُ

يُتَحُّمُ هَلَاتِاقِفَ : لَاقِ دُحُّأ نُوْدُهُ دِجَأ
عُضْبِ هِدَسَجِ يِفَ دِجُوفَ ، لَتُقِ
ةَنْعَطُوِةَ بَرَضُ نَمَ نُونِ أَمَثَوِ
يَتَّمَعُ هُتْخُأ تَلِاقِفَ : لَاقِ ، ةَيْمَرَوِ
أَمَفَ : رُضْنَلِأ تَنْبُ عِيْبُرِلِأ
تَلَزَنَوِ ، هِنَ أَنْبِ بِ أَلِإِ يَخُأ تَفَرَعِ

عَلَيْهِ اللَّهُ عَاهِدُوا مَا صَدَقُوا رِجَالٌ وَأَنْزَلَ ةَيْ أَلِإِ هِدَه

﴿ ٢٥ ﴾ تَبْدِيلًا بَدَلُوا وَمَا يَنْظُرُ مَنْ وَمِنْهُمْ نَجَبَةٌ قَضَى مَنْ فَمِنْهُمْ

تَلَزَنَ أَهْنَأ نَوْرِي أُونَاكَفَ : لَاقِ
دَمْحَأ هَأَوْرِ ، هِبَاخُصَأ يِفَوِ هِيَفِ

Собитдан, у амакиси Анасдан, У Ҳишомдан ривоят қилинади:

«Ушбу оятда назарда тутилган кишилардан бири Анас ибн Назр Набий соллаллоҳу алайҳи васаллам билан бирга Бадр урушида қатнашмай қолган эди. Бу иш унга жуда оғир ботди.

«Расулуллоҳ соллаллоҳу алайҳи васаллам иштирок этган биринчи урушда қатнашолмадимми?! – деб афсусланиб юрарди. Шу билан бирга: – Агар Аллоҳ таоло кейинчалик менга Набий соллаллоҳу алайҳи васаллам билан бирга бир урушни кўрсатса, менинг нима қилишимни Аллоҳнинг Ўзи кўради», дер эди.

Уҳуд уруши куни у ҳам Расулуллоҳ соллаллоҳу алайҳи васаллам билан урушга чиқди. У йўлда кетаётиб, Саъд ибн Муъоз розияллоҳу анҳуни учратди ва унга:

«Эй Абу Амр! Оҳ! Оҳ! Жаннатнинг ҳиди қаёқдан келмоқда?! Мен унинг Уҳуд томондан келаётганини сезяпман!» деди. Урушга кириб, шаҳид бўлгунича жанг қилди. Унинг жасаидан саксондан ортиқ найза, қилич ва камон ўқи изларини топдилар. Унинг синглиси Рубайиъ бинти Назр:

«Акамни фақат бармоғидан таниб олдим, холос», дерди.

Бас, ушбу оят нозил бўлди: «Мўминлардан Аллоҳга берган ваъдаларига содиқ қолган кишилар бордир. Бас, улардан назрига вафо қилгани бор. Улардан мунтазир бўлиб турганлари бор. Улар бирор нарсани алмаштирмадилар».

Буни у ва унинг соҳиблари ҳақида нозил бўлган деб билишар эди».

Аҳмад ривоят қилган.

Алҳамдулиллаҳ, мусулмонлар ичида бу кишига ўхшаб жонини фидо этганлар жуда кўп чиқди. Уларнинг фидойиликлари Исломига, мусулмонларга шону шуҳрат келтирди ва келтирмоқда.

«Бас, улардан назрига вафо қилгани бор».

Анас ибн Назр розияллоҳу анҳуга ўхшаб шаҳиди аъло бўлди. Орзусига эришди. Ўзи кўзлаган олий мақомга етишди.

«Улардан мунтазир бўлиб турганлари бор. Улар бирор нарсани алмаштирмадилар».

Бу мўминлар Аллоҳга берган аҳду паймонларини ҳеч нарсага алмаштирмадилар.

5. Амалдаги содиқлик.

Бунда банда ташқаридаги амали ичкарасида, ўзида бўлмаган сифатга далолат қилиб қолмаслиги учун жидду жаҳд қилади. Ичидаги бори ташқарига чиқишига эришади. Баъзи кишилар ташқаридан намозни хушуъ билан ўқиётгандек бўлиб кўринади. У буни одамлар кўриши учун қилмайди. Аммо, шу билан бирга, ичи ташига тўғри келмайди. У ташқаридан хушуъ ила намоз ўқиётган бўлиб кўринса-да, хаёли бозорда юрган бўлади. Демак, бундай одам амалида содиқ эмас, балки ёлғончидир.

Бундан қуйидаги хулоса келиб чиқади Одамнинг ичи ташига тўғри келмаслиги икки хил бўлади. Агар бу иш ният ва қасд билан қилинаётган бўлса, риё бўлади. Аммо ният ва қасдсиз қилинаётган бўлса, содиқликка зид бўлади.

Бу нотўғри ҳолатдан қутулиш учун киши ичи ва ташининг бир хил бўлишини таъминлаши лозим.

Язийд ибн Ҳорис раҳматуллоҳи алайҳи:

«Агар банданинг сири ва ошкори бир хил бўлса, ишнинг ярми ҳосил бўлади. Агар сири ошкоридан афзал бўлса, фазлга эришади. Агар ошкори сиридан афзал бўлса, жаврчи бўлади», деган.

Абдурраҳмон ибн Зайд:

«Ҳасан бир нарсага амр қилса, ўзи ўшани ҳаммадан кўра яхши қилар эди. Бир нарсадан наҳйи қилса, ўшандан ҳаммадан кўра ўзи узоқда бўлар эди. Мен у каби ичи ташига ўхшаш одамни кўрмаганман», деган.

6. Дин мақомотларидаги содиқлик.

Бу содиқликнинг энг олий ва азиз даражасидир. Бу даражадаги содиқлик хавф, ражо, таъзим, зуҳд, ризо, таваккул, муҳаббат ва шунга ўхшаш нарсаларда бўлади.

Мазкур ишларнинг бошланиши, ғояси ва ҳақиқати бор. Бир нарса ғолиб, ҳақиқати юзага чиқса, ўша нарса содиқлик даражасига кўтарилган бўлади. Мисол учун, содиқ хавф, содиқ таваккул ва бошқалар.

«Руҳий тарбия» китобининг 2-жузи асосида тайёрланди

